

## 神日本磐余彥天皇 神武天皇

神日本磐余彥天皇、諱彥火々出見。彥波瀲武鸕鷀草葺不合尊第四子也。母曰玉依姬。海童之少女也。天皇生而明達。意確如也。年十五立爲太子。長而娶日向國吾田邑吾平津媛、爲妃。生手研耳命。及年卅五歲、謂諸兄及子等曰、昔我天神、高皇產靈尊、大日靈尊、學此豐葦原瑞穗國、而授我天祖彥火瓊々杵尊。於是、火瓊々杵尊、闢天關披雲路、馭仙蹕以戾止。是時、運屬鴻荒、時鍾草昧。故蒙以養正、治此西偏。皇祖皇考、乃神乃聖、積慶重暉、多歷年所。自天祖降跡以逮、于今一百七十九萬二千四百七十餘歲。而遼邈之地、猶未霑於王澤。遂使邑有君、村有長、各自分疆、用相凌躐。抑又聞於鹽土老翁。曰、東有美地。青山四周。其中亦有乘天磐船而飛降者。余謂、彼地、必當足以下恢弘大業、光宅天下。蓋六合之心乎。厥飛降者、謂是饒速日歟。何不就而都之乎。諸皇子對曰、理實灼然。我亦恆以爲念。宜早行之。◎是年也、太歲甲寅。◎其年冬十月丁巳朔辛酉、天皇親帥諸皇子舟師東征。至速吸之門。時有一漁人、乘艇而至。天皇招之、因問曰、汝誰也。對曰、臣是國神。名曰珍彥。釣魚於曲浦。聞天神子來、故卽奉迎。又問之曰、汝能爲我導耶。對曰、導之矣。天皇勅授漁人椎檣末、令執而牽納於皇舟、以爲海導者。乃特賜名、爲椎根津彥。【椎、此云辭毗。】此卽倭直部始祖也。行至筑紫國菟狹。【菟狹者地名也。比云二字佐。】時有菟狹國造祖。號曰菟狹津彥。菟狹津媛。乃於菟狹川上、造一柱騰宮而奉饗焉。【一柱騰宮、此云阿斯毗苔徒鞅餓離能宮。】是時、勅以菟狹津媛、賜妻之於侍臣天種子命。天種子命、是中臣氏之遠祖也。○十有一月丙戌朔甲午、天皇至筑紫國岡水門。○十有一月丙辰朔壬午、至安藝國、居于埃宮。○乙卯年春三月甲寅朔己未、徙入吉備國。起行館以居之。是曰高嶋宮。積三年間、脩舟楫、蓄兵食、將欲以一舉而平天下也。○戊

午年春二月丁酉朔丁未、皇師遂東。舳艫相接。方到難波之碕、曾下有奔潮太急。因以、名爲浪速國。亦曰浪花。今謂難波訛也。【訛、此云與許奈磨廬。】○三月丁卯朔丙子、溯流而上、徑至河內國草香邑青雲白肩之津。○夏四月丙申朔甲辰、皇師勒兵、步趣龍田。而其路狹險、人不<sub>レ</sub>得<sub>レ</sub>並行。乃還更欲<sub>下</sub>東踰膽駒山、而入<sub>中</sub>中洲。時長髓彥聞之曰、夫天神子等所<sub>レ</sub>以來<sub>一</sub>者、必將奪<sub>レ</sub>我國、則盡起<sub>レ</sub>屬兵、徼之於<sub>レ</sub>孔舍衛坂、與之會戰。有<sub>レ</sub>流失、中<sub>三</sub>五瀨命肱脛。皇師不<sub>レ</sub>能<sub>レ</sub>進戰。天皇憂之、乃運<sub>レ</sub>神策於冲衿曰、今我是日神子孫、而向<sub>レ</sub>日征<sub>レ</sub>虜、此逆<sub>レ</sub>天道也。不<sub>レ</sub>若、退還示<sub>レ</sub>弱、禮<sub>レ</sub>祭神祇、背負<sub>レ</sub>日神之威、隨<sub>レ</sub>影壓躡。如<sub>レ</sub>此、則曾不<sub>レ</sub>血<sub>レ</sub>刃、虜必自敗矣。僉曰、然。於是、令<sub>レ</sub>軍中<sub>一</sub>曰、且停。勿須復進。乃引<sub>レ</sub>軍還。虜亦不<sub>レ</sub>敢逼。却至<sub>レ</sub>草香之津、植<sub>レ</sub>盾而爲<sub>レ</sub>雄詰焉。【雄詰、此云<sub>レ</sub>烏多鷄糜。】因改號<sub>レ</sub>其津曰<sub>レ</sub>盾津。今云<sub>レ</sub>蓼津訛也。初孔舍衛之戰、有<sub>レ</sub>人隱<sub>レ</sub>於大樹、而得<sub>レ</sub>免難。仍指<sub>レ</sub>其樹曰、恩如<sub>レ</sub>母。時人因號<sub>レ</sub>其地曰<sub>レ</sub>母木邑。今云<sub>レ</sub>飫悶迺奇訛也。○五月丙寅朔癸酉、軍至<sub>レ</sub>茅渟山城水門。【亦名山井水門。茅渟、此云<sub>レ</sub>智怒。】時五瀨命矢瘡痛甚。乃撫劍而雄詰之曰、【撫劍、此云<sub>レ</sub>都盧耆能多伽彌屠利辭魔屢。】慨哉、大丈夫、【慨哉、此云<sub>レ</sub>宇黎多棄伽夜。】被<sub>レ</sub>傷於虜手、將不<sub>レ</sub>報而死耶。時人因號<sub>レ</sub>其處曰<sub>レ</sub>雄水門。進到<sub>レ</sub>于紀國竈山、而五瀨命薨<sub>レ</sub>于軍。因葬<sub>レ</sub>竈山。○六月乙未朔丁巳、軍至<sub>レ</sub>名草邑。則誅<sub>レ</sub>名草戶畔者。【戶畔、此云<sub>レ</sub>妬擊。】遂越<sub>レ</sub>狹野、而到<sub>レ</sub>熊野神邑、且登<sub>レ</sub>天磐盾。仍引<sub>レ</sub>軍漸進。海中卒遇<sub>レ</sub>暴風。皇舟漂蕩。時稻飯命乃歎曰、嗟乎、吾祖則天神母則海神。如何厄<sub>レ</sub>我於陸、復厄<sub>レ</sub>我於海乎。言訖、乃拔<sub>レ</sub>劍入<sub>レ</sub>海、化爲鋤持神。三毛入野命、亦恨之曰、我母及姨並是海神。何爲起<sub>レ</sub>波瀾、以灌溺乎、則蹈<sub>レ</sub>浪秀、而往<sub>レ</sub>乎常世鄉矣。天皇獨與<sub>レ</sub>皇子手研耳命、帥<sub>レ</sub>軍而進、至<sub>レ</sub>熊野荒坂津。【亦名丹敷浦。】因誅<sub>レ</sub>丹敷戶畔者。時神吐<sub>レ</sub>毒氣、人物咸瘁。由<sub>レ</sub>是、皇軍不<sub>レ</sub>能<sub>レ</sub>復振。時彼處有<sub>レ</sub>人。號曰<sub>レ</sub>熊野高倉下。忽夜夢、天照大神、謂<sub>レ</sub>武甕雷神曰、夫葦原中國猶聞喧擾之響焉。【聞喧擾之響焉、此云<sub>レ</sub>左擲覽利奈離。】宜汝更往而征之。武甕雷神對曰、雖<sub>レ</sub>予不<sub>レ</sub>行、而下<sub>レ</sub>予平<sub>レ</sub>國

之劍、則國將自平矣。天照大神曰、諾。【諾、此云三字每那利。】時武甕雷神、登謂高倉曰、予劍號曰部靈。【部靈、此云赴屠能瀨哆磨。】今當置汝庫裏。宜取而獻之天孫。高倉曰、唯々而寤之。明日、依夢中教、開庫視之、果有落劍、倒立於庫底板。即取以進之。于時、天皇適寐。忽然而寤之曰、予何長眠若此乎。尋而中毒士卒、悉復醒起。既而皇師、欲趣中洲。而山中嶮絕、無復可行之路。乃棲遑不知其所跋涉。時夜夢、天照大神訓于天皇曰、朕今遣二頭八咫鳥。宜以爲鄉導者。果有二頭八咫鳥、自空翔降。天皇曰、此鳥之來、自叶祥夢。大哉、赫矣。我皇祖天照大神、欲以助成基業乎。是時、大伴氏之遠祖曰臣命、帥大來目、督將元戎、蹈山啓行、乃尋鳥所向、仰視而追之。遂達于菟田下縣。因號某所至之處、曰菟田穿邑。【穿邑、此云于介知能務羅。】于時、勅譽曰臣命曰、汝忠而且勇。加有能導之功。是以、改汝名爲道臣。○秋八月甲午朔乙未、天皇使徵兄猾及弟猾者。【猾、此云字介志。】是兩人、菟田縣之魁帥者也。【魁帥、此云比鄧誤迺伽瀨。】時兄猾不來。弟猾即詣至。因拜軍門、而告之曰、臣兄々猾之爲逆狀也、聞天孫且到、即起兵將襲。望見皇師之威、懼不敢敵、乃潛伏其兵、權作新宮、而殿內施機、欲因請饗以作難。願知此詐、善爲之備。天皇即遣道臣命、察其逆狀。時道臣命、審知有賊害之心、而大怒詰噴之曰、虜爾所造屋、爾自居之。【爾、此云飲例。】因案劍彎弓、逼令催入。兄猾獲罪於天、事無所辭。乃自蹈機而壓死。時陳其屍而斬之。流血沒踝。故號其地、曰菟田血原。已而弟猾大設牛酒、以勞饗皇師焉。天皇以其酒宥、班賜軍卒。乃爲御謠之曰、【謠、此云字哆預瀨。】于儻能、多伽機瑠、辭藝和奈破廬、和餓末菟夜、辭藝破佐夜羅孺、伊殊區波辭、區旒羅佐夜離、固奈瀨餓、那居波佐麼、多智曾麼能、未迺那鷄句塢、居氣辭被惠禰、宇破奈利餓、那居波佐麼、伊智佐介幾、未迺於朋鷄句塢、居氣儻被惠禰。是謂來目歌。今樂府奏此歌者、猶有手量大小、及音聲巨細。此古之遺式也。是後、天皇欲省吉野之地、乃從菟田穿邑、親率輕兵巡幸焉。至吉野時、有人出自井

中。光而有尾。天皇問之曰、汝何人。對曰、臣是國神。名爲井光。此則吉野首部始祖也。更少進、亦有尾而披磐石而出者。天皇問之曰、汝何人。對曰、臣是磐排別之子。【排別、此云飫時和句。】此則吉野國櫛部始祖也。及緣水西行、亦有作梁取魚者。【梁、此云擲奈。】天皇問之。對曰、臣是苞苴擔之子。【苞苴擔、此云瑠倍毛菟。】此則阿太養鷗部始祖也。○九月甲子朔戊辰、天皇陟彼菟田高倉山之巔、瞻望域中。時國見丘上則有八十梟帥。【梟帥、此云多稽屨。】又於女坂置女軍、男坂置男軍。墨坂置焠炭。其女坂、男坂、墨坂之號、由此起也。復有兄磯城軍、布滿於磐余邑。【磯、此云志。】賊虜所據、皆是要害之地。故道路絕塞、無處可通。天皇惡之。是夜自祈而寢。夢有天神訓之曰、宜取天香山社中土、【香山、此云介遇夜摩。】以造天平瓮八十枚、【平瓮、此云毗邏介。】并造嚴瓮、而敬祭天神地祇。【嚴瓮、此云怡途背。】亦爲嚴呪詛。如此、則虜自平伏。【嚴呪詛、此云怡途能伽辭離。】天皇祇承夢訓、依以將行。時弟猾又奏曰、倭國磯城邑、有磯城八十梟帥。又高尾張邑、【或本云、葛城邑也。】有赤銅八十梟帥。此類皆欲與天皇距戰。臣竊爲天皇憂之。宜今當取天香山埴、以造天平瓮、而祭天社國社之神。然後擊虜則易除也。天皇既以夢辭爲吉兆。及聞弟猾之言、益喜於懷。乃使椎根津彥、著弊衣服及蓑笠、爲老父貌。又使弟猾被箕、爲老嫗貌、而勅之曰、宜汝二人、到天香山、潛取其巔土、而可來旋矣。基業成否、當以汝爲占。努力慎歟。是時、虜兵滿路、難以往還。時椎根津彥、乃祈之曰、我皇當能定此國者、行路自通。如不能者、賊必防禦。言訖徑去。時群虜見一人、大咲之曰、大醜乎【大醜、此云鞅奈瀨爾句。】老父老嫗、則相與闢道使行。二人得至其山、取土來歸。於是、天皇甚悅、乃以此埴、造作八十平瓮。天手抉八十枚【手抉、此云多衢餌離。】嚴瓮、而陟于丹生川上、用祭天神地祇。則於彼菟田川之朝原、譬如水沫、而有所祝著也。天皇又因祈之曰、吾今當以八十平瓮、無水造飴。々成、則吾心不假鋒刃之威、坐平天下。乃造飴。々卽自成。又祈之曰、吾今當以嚴

瓮、沈于丹生之川。如魚無大小、悉醉而流、警猶被葉之浮流者、【被此云磨紀】。吾必能定此國。如其不爾、終無所成、乃沈瓮於川。其口向。頃之魚皆浮出、隨水唵喞。時椎根津彥、見而奏之。天皇大喜、乃拔取丹生川上之五百箇眞坂樹、以祭諸神。自。此始有嚴瓮之置之也。時勅道臣命、今以高皇產露尊、朕親作顯齋。【顯齋、此云于圓詩怡破毗】。用汝爲齋主、授以嚴媛之號。而名某所置埴瓮、爲嚴瓮。又人名爲嚴香來雷。水名爲嚴罔象女。【罔象女、此云瀨菟破廼迷】。糧名爲嚴稻魂女。【稻魂女、此云于伽能迷】。薪名爲嚴山雷。草名爲嚴野椎。○冬十月癸巳朔、天皇嘗其嚴瓮之糧、勒兵而出。先擊八十梟帥於國見丘、破斬之。是役也、天皇志存必克。乃爲御謠之曰、伽牟伽笠能、伊齊能于瀨能、於費異之珥夜、異波臂茂等倍屢、之多儂瀨能、之多儂瀨能、阿誤豫、阿誤豫、之多太瀨能、異波比茂等倍離、于智弓之夜莽務、于智弓之夜莽務。謠意、以大石喻其國見丘也。既而餘黨猶繁、其情難測。乃顧勅道臣命、汝宜帥大來目部、作大室於忍坂邑、盛設宴饗、誘虜而取之。道臣命、於是、奉密旨、掘竇於忍坂、而選我猛卒、與虜雜居。陰期之曰、酒酣之後、吾則起歌。汝等聞吾歌聲、則一時刺虜。已而坐定酒行。虜不知我之有陰謀、任情徑醉。時道臣命、乃起而歌之曰、於佐箇廼、於朋務露夜珥、比苔瑳破而、異離島利苔毛、比苔瑳破而、枳伊離島利苔毛、瀨都瀨都志、俱梅能固邏餓、勾鷺都々伊、異志都々伊毛智、于智弓之夜莽務。時我卒聞歌、俱拔其頭椎劍、一時殺虜。々々無復噍類者。皇軍大悅、仰天而咲。因歌之曰、伊莽波豫、伊莽波豫、阿々時夜塢、伊莽儂而毛、阿誤豫、伊莽儂而毛、阿誤豫。今來目部歌而後大晒、是其緣也。又歌之曰、愛瀨詩鳥、莽儂利、毛々那比苔、比苔破易陪廼毛、多牟伽毗毛勢儒。此皆承密旨而歌之。非敢自專者也。時天皇曰、戰勝而無驕者、良將之行也。今魁賊已滅、而同惡者、匈々十數群。其情不可知。如何久居一處、無以制變。乃徙營於別處。○十有一月癸亥朔己巳、皇師大舉、將攻磯城彥。先遣使者、徵兄磯城。兄磯城不承命。更遣頭八咫鳥召之。時鳥到其營而鳴之曰、天神子召汝。

怡奘過、怡奘過。【過音、倭。】兄磯城忿之曰、聞天壓神至、而吾爲慨憤、時、奈何烏鳥若此惡鳴耶、【壓、此云飢藹。】乃彎弓射之。烏卽避去。次到弟磯城宅、而鳴之曰、天神子召汝。怡奘過、怡奘過。時弟磯城慄然改容曰、臣聞天壓神至、且夕畏懼。善乎烏。汝鳴之若此者歟、卽作葉盤八枚、盛食饗之。【葉盤、此云毗羅耐。】因以隨烏、詣到而告之曰、吾兄々磯城、聞天神子來、則聚八十梟帥、具兵甲、將與決戰。可早圖之。天皇乃會諸將、問之曰、今兄磯城、果有逆賊之意。召亦不來。爲之奈何。諸將曰、兄磯城黠賊也。宜先遣弟磯城曉諭之、并說兄倉下、弟倉下。如遂不歸順、然後學兵臨之、亦未晚也。【倉下、此云衢羅餌。】乃使弟磯城開示利害。而兄磯城等、猶守愚謀、不肯承伏。時椎根津彥、計之曰、今者宜先遣我女軍、出自忍坂道。虜見之必盡銳而赴。吾則驅馳勁卒、直指墨坂、取菟田川水、以灌其炭火、儵忽之間出其不意、則破之必也。天皇善其策、乃出女軍以臨之。虜謂大兵已至、畢力相待。先是、皇軍攻必取、戰必勝。而介胄之士、不無疲弊。故聊爲御謠、以慰將卒之心焉。謠曰、哆々奈梅弓、伊那嗟能椰摩能、虛能莽由毛、易喻耆摩毛羅毗、多々介陪麼、和例破椰隈怒、之摩途等利、宇介譬餓等茂、伊莽輪開珥虛禰。果以男軍越墨坂、從後來擊破之。斬其梟帥兄磯城等。○十有二月癸巳朔丙申、皇師遂擊長髓彥。連戰不能取勝。時忽然天陰而雨水。乃有金色靈鷲、飛來止于皇弓之弭。其鷲光暉煜、狀如流電。由是、長髓彥軍卒皆迷眩、不復力戰。長髓是邑之本號焉。因亦以爲人名。及皇軍之得鷲瑞也、時人仍號鷲邑。今云鳥見是訛也。昔孔舍衛之戰、五瀨命中矢而薨。天皇銜之、常懷憤懣。至此役也、意欲窮誅。乃爲御謠之曰、瀨都瀨都志、俱梅能故邏餓、介耆茂等珥、阿波赴珥破、介瀨羅毗苔茂苔、曾迺餓毛苔、曾禰梅屠邪藝弓、于笥弓之夜莽務。又謠之曰、瀨都々々志、俱梅能故邏餓、介耆茂等珥、宇惠志破餌介瀨、旬致弭比俱、和例破流輪例儒、于智弓之夜莽務。因復縱兵急攻之。凡諸御謠、皆謂來目歌。此的取歌者而名之也。時長髓彥、乃遣行人、言於天皇曰、嘗有天神之子、乘

天磐船、自天降止。號曰櫛玉饒連日命。【饒連日、此云儻藝波椰卑。】是娶吾妹炊屋媛、亦名長髓媛、亦名鳥見屋媛。【遂有兒息。名曰可美眞手命。】可美眞手、此云于魔詩莽耐。故吾以饒速日命、爲君而奉焉。夫天神之子、豈有兩種乎。奈何更稱天神子、以奪人地乎。吾心推之、未必爲信。天皇曰、天神子亦多耳。汝所爲君、是實天神之子者、心有表物。可相示之。長髓彥即取饒速日命之天羽々矢一隻及步鞞、以奉示天皇。々々覽之曰、事不虛也、還以所御天羽々矢一隻及步鞞、賜示於長髓彥。長髓彥見其天表、益懷踳蹢。然而凶器已構、其勢不得中休。而猶守迷圖、無復改意。饒連日命、本知天神慙懃、唯天孫是與。且見夫長髓彥稟性復佷、不可教以天人之際、乃殺之。帥其衆而歸順焉。天皇素聞饒速日命、是自天降者。而今果立忠效。則褒而寵之。比物部氏之遠祖也。○己未年春二月壬辰朔辛亥、命諸將練士卒。是時、層富縣波哆丘岬、有新城戶畔者。【丘岬、此云塢介佐棄。】又和珥坂下、有居勢祝者。【坂下、此云瑳伽海苔。】臍見長柄丘岬、有猪祝者。此三處土蜘蛛、並恃其勇力、不肯來庭。天皇乃分遣偏師、者誅之。又高尾張邑、有土蜘蛛。其爲人也、身短而手足長。與侏儒相類。皇軍結葛網、而掩襲殺之。因改號其邑曰葛城。夫磐余之地、舊名片居。【片居、此云伽哆韋。】亦曰片立。【片立、此云伽哆哆知。】逮我皇師之破虜也、大軍集而滿於其地。因改號爲磐余。或曰、天皇往嘗嚴瓮粮、出軍西征。是時、磯城八十梟帥、於彼慮屯聚居之。【屯聚居、此云怡波瀾萎。】果與天皇大戰。遂爲皇師所滅。故名之曰磐余邑。又皇師立誥之處、是謂猛田。作城處、號曰城田。又賊策戰死而僵屍、枕臂處呼爲類枕田。天皇以前年秋九月、潛取天香山之埴土、以造八十平瓮、躬自齋戒祭諸神。遂得安定區宇。故號取土之處、曰埴安。○三月辛酉朔丁卯、下令曰、自我東征、於茲六年矣。賴以皇天之威、凶徒就戮。雖邊土未清、餘妖尚梗、而中洲之地、無復風塵。誠宜恢廓皇都、規摹大壯。而今運屬屯蒙、民心朴素。巢棲穴住、習俗惟常。夫大人立制、義必隨時。苟有利民、

何妨<sub>二</sub>聖造<sub>一</sub>。且當披<sub>二</sub>拂山林<sub>一</sub>、經<sub>二</sub>營宮室<sub>一</sub>、而恭臨<sub>二</sub>寶位<sub>一</sub>、以鎮<sub>二</sub>元元<sub>一</sub>。上則答<sub>二</sub>乾靈授<sub>レ</sub>國之德<sub>一</sub>、下則弘<sub>二</sub>皇孫養<sub>レ</sub>正之心<sub>一</sub>。然後、兼<sub>二</sub>六合<sub>一</sub>以開<sub>レ</sub>都、掩<sub>二</sub>八紘<sub>一</sub>而爲<sub>レ</sub>宇、不<sub>二</sub>亦可<sub>一</sub>乎。觀夫畝傍山【畝傍山、此云<sub>二</sub>宇禰摩夜摩<sub>一</sub>】東南樞原他者、蓋國之壤區乎。可<sub>レ</sub>治之。◎是月、卽命<sub>二</sub>有司<sub>一</sub>、經<sub>二</sub>始帝宅<sub>一</sub>。○庚申年秋八月癸丑朔戊辰、天皇當立<sub>二</sub>正妃<sub>一</sub>。改廣求<sub>二</sub>華胄<sub>一</sub>。時有<sub>レ</sub>人奏之曰、事代主神、共<sub>二</sub>三嶋溝櫛耳神之女玉櫛媛<sub>一</sub>所生兒、號曰<sub>二</sub>媛蹈鞬五十鈴媛命<sub>一</sub>。是國色之秀者。天皇悅之。○九月壬午朔乙巳、納<sub>二</sub>媛蹈鞬五十鈴媛命<sub>一</sub>、以爲<sub>二</sub>王妃<sub>一</sub>。

辛酉年春正月庚辰朔、天皇卽<sub>二</sub>帝位於橿原宮<sub>一</sub>。是歲爲<sub>二</sub>天皇元年<sub>一</sub>。尊<sub>二</sub>正妃<sub>一</sub>爲<sub>二</sub>皇后<sub>一</sub>。生<sub>二</sub>皇子神八井命<sub>一</sub>。神淳名川耳尊。故古語稱之曰、於<sub>二</sub>畝傍之橿原<sub>一</sub>也、太<sub>二</sub>立宮柱於底磐之根<sub>一</sub>、峻<sub>二</sub>時搏<sub>一</sub>風於高天之原、而始馭天下之天皇、號曰<sub>二</sub>神日本磐余彥火々出見天皇<sub>一</sub>焉。初天皇草<sub>二</sub>創天基<sub>一</sub>之日也、大伴氏之遠祖道臣命、帥<sub>二</sub>大來目部<sub>一</sub>、奉<sub>二</sub>承密策<sub>一</sub>、能以<sub>二</sub>諷歌倒語<sub>一</sub>、掃<sub>二</sub>蕩妖氣<sub>一</sub>。倒語之用、始起<sub>二</sub>乎茲<sub>一</sub>。

二年春二月甲辰朔乙巳、天皇定<sub>レ</sub>功行<sub>レ</sub>賞。賜<sub>二</sub>道臣命宅地<sub>一</sub>、居于築坂邑、以<sub>二</sub>寵異之<sub>一</sub>。亦使<sub>二</sub>大來目居<sub>一</sub>于畝傍山以西川邊之地。今號<sub>二</sub>來目邑<sub>一</sub>、此其緣也。以<sub>二</sub>珍彥爲<sub>二</sub>倭國造<sub>一</sub>。【珍彥、此云<sub>二</sub>于答毗故<sub>一</sub>】又給<sub>二</sub>弟猾猛田邑<sub>一</sub>。因爲<sub>二</sub>猛田縣主<sub>一</sub>。是菟田主水部遠祖也。弟磯城名黑速、爲<sub>二</sub>磯城縣主<sub>一</sub>。復以<sub>二</sub>劔根者<sub>一</sub>、爲<sub>二</sub>葛城國造<sub>一</sub>。又頭八咫鳥、亦入<sub>二</sub>賞例<sub>一</sub>。其苗裔、卽葛野主殿縣主部是也。

四年春二月壬戌朔甲申、詔曰、我皇祖之靈也、自<sub>レ</sub>天降鑒、光<sub>二</sub>助朕躬<sub>一</sub>。今諸虜已平、海內無<sub>レ</sub>事。可<sub>レ</sub>以郊<sub>二</sub>祀天神<sub>一</sub>、用申<sub>二</sub>大孝<sub>一</sub>者也。乃立<sub>二</sub>靈時於鳥見山中<sub>一</sub>、其地號曰<sub>二</sub>上小野榛原<sub>一</sub>。下小野榛原。用祭<sub>二</sub>皇祖天神<sub>一</sub>焉。

卅有一年夏四月乙酉朔、皇輿巡幸。因登<sub>二</sub>腋上嗛間丘<sub>一</sub>、而廻<sub>二</sub>一望國狀<sub>一</sub>曰、妍哉乎國之獲矣。【妍哉、此云<sub>二</sub>鞅奈珥夜<sub>一</sub>】雖<sub>二</sub>內木綿之真迨國<sub>一</sub>、猶如<sub>二</sub>蜻蛉之臀帖<sub>一</sub>焉。由<sub>レ</sub>是、始有<sub>二</sub>秋津洲之號<sub>一</sub>也。昔伊奘諾尊曰<sub>二</sub>此國<sub>一</sub>曰、日本者浦安國、細戈千足國、磯輪上秀眞國。【秀眞國、此云<sub>二</sub>袍圖莽句爾<sub>一</sub>】復大己貴大神目之曰、玉牆內國。及<sub>レ</sub>至饒速日命、乘<sub>二</sub>天磐船<sub>一</sub>、而翔<sub>二</sub>行太虛<sub>一</sub>也、睨<sub>二</sub>是鄉<sub>一</sub>而降<sub>レ</sub>之、故

因目之、曰<sub>二</sub>虛空竟日本國<sub>一</sub>矣。

冊有二年春正月壬子朔甲寅、立<sub>二</sub>皇子神渟名川耳尊<sub>一</sub>、爲<sub>二</sub>皇太子<sub>一</sub>。

七十有六年春三月甲午朔甲辰、天皇崩<sub>二</sub>于橿原宮<sub>一</sub>。時年一百廿七歲。◎明年秋九月乙卯朔丙寅、葬<sub>二</sub>畝傍山東北陵<sub>一</sub>。

日本書紀卷第三